Circa fervidorum et gelidorum usum parænesis; quam ... dissertatione medica inaugurali ... submittit / [Carl Ribben].

#### Contributors

Ribben, Carl, 1738-1803, respondent. Linné, Carl von, 1707-1778.

#### **Publication/Creation**

Upsaliæ : [publisher not identified], [1765]

#### **Persistent URL**

https://wellcomecollection.org/works/ddfephwv

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

# Q. B. V. D. CIRCA FERVIDORUM ET GELIDORUM USUM PARÆNESIS;

QUAM, VENIA EXPER. FAC. MED. AD REG. ACAD. UPS. PRÆSIDE

VIRO GENEROSISSIMO,

CAROL

# VON LINNE,

EQUIT. AUR. DE STELLA POLARI, S:Æ R:Æ M:TIS ARCHIATRO, MED. ET BOTAN. PROF. REG. ET ORD. ACAD. SCIENT. PARIS. UPS. HOLM. PETROP. BEROLIN. IMP. NAT. CUR. BERNENS. LOND. ANGL. MONSP TOLOS. FLORENT. ET EDINE. MEMBRO,

DISSERTATIONE MEDICA INAUGURALI, PUBLICO ERUDITORUM EXAMINI SUBMITTIT

CAROLUS RIBE, STOCKHOLMIENSIS.

IN AUD. CAROL. MAJ. D. XII. JUNII, MDCCLXV. H. A. ET P. M. S.

UPSALIÆ.

SIMO.

Q. B. F. D.

FERVIDORUM


GELIDORUM USUM

PARAINESIS;

VENIA EXPER. FAC. MED. AD REG. ACAD. UPS.

Nullum animal, præter bosninem, calidos sequi potus, ideoque non naturales esse.

PLIN. Nat. Hift. XXVIII. C. 4.



ACAD, SCIENT.

STTTHATTE

RIBE.



IN AUD. CAROL MALD. XIL. WNII, MDCCLXV.

UPSALLE.

12- 194

ecold. and . . . . . .

CILLIN BUICH TA




MEDINE ROMAN BLOF, MICH.

1843 MARTE MARTE PUB - FRAN

FORMACO FRIDITOSCAL EXAM

20 JOHAD





uibus sub brevi hac vita obnoxium est hominum genus, morbi, tot sunt, tamque diversa indolis, ut vitam nostram Iliada malorum si quis appellaret, verum ejus tra-didisse videretur characterem. Pathologorum certe vix fuffecit diligenter collocata opera, in ho-

rum omnium distincte enumerandis determinandisque generibus, speciebusque omnibus eruendis. Cuicunque autem tota illa, in scriptis eorum quæ jam instructa invenitur morborum acies, primo adspectu horrorem creat, major profecto erit horrendi lugendique ratio, quum maxima parti ipsos homines solvere quasi stipendia deprehenderit; quot enim in victus ratione committunt errores, tot etiam dant morborum arrhas, nisi correctis erroribus, plenis emendorum pretiis.

Plurimum autem cum intersit medentis, non genera solum, sed species etiam morborum novisse, fi apta illis Anitoxiv ilgi ustan A 2 an Lour Animitalio and

illis medicamina opponere valebit, causas cognoscere follicite studebit. At quum non raro eveniat, ut, mor-bi licet genio causaque optime cognitis; nam profecto ca nostri est seculi felicitas, plurimorum detectas esse morborum caussas, licet non semper proximas, ple-rumque tamen propinquas; quum eveniat, inquam, ut morbus tamen ipse, ob proprium ægroti in victu erro-rem, omnem respuat superetque medelam, aut vel su-peratus, povo iterum errore recrudescat: prudentis eperatus, novo iterum errore recrudescat; prudentis erit probique medici, susceptam in se curam si perficiet, pericula hæc indicare & imminentia averruncare mala. Nec defuerunt sane, uti nec hodie desunt, qui scriptis verbisque confilia dederunt optima, rationi atque ex-perientiæ innixa, de victus ratione convenienter naturæ instituenda, quin immo exemplis viam prælucere co-nati sunt, qua, si diu sanitas servabitur illæsa, incedere debent ceteri. Cum vero res summi omnino momenti nunquam animis inculcari satis possit, & iple prophylaxeos semper studiosifimus fuerim, mecum statueram, specimen quoddam inaugurale editurus, victus errores in nostra saltem gente obvios, nempe illos præ-sertim, quibus chronici ita dicti morbi originem de-bent, & pertinaciam commonstrare; at, manum operi admovens, plures eos, proh! dolor, este compertus sum, quam & instituti ratio, & temporis, commode. pertractari permittat. Qua propter circa eos tantum-modo versabor errores, quos in fervidorum & gelidorum imprudenti usu, frequentissime committunt nostrates. Quod dum conatus suero, rem licet a nemine antea culpatam, vel novam, non proposuero, benevoli tamen Lectoris spero favorem, quum plurimis, etiam hodie, sanitatis de cetero licet observare studeant regulas, circa alterutrum horum familiares esle errores, pro-pria edoctus sim experientia, neque corrigendos, quam-diu discriminis, quod subest, nescii ipsi vixerint. An-

Ante vero quam rem ipsam aggredimur, mox in limine dicendum est, ingestorum non omnia per se salu-bria esse, neque noxia; alterutram vero illis sape imponere qualitatem præparandi adhibendique modum, quem aut mos quidam introduxit, aut præconcepta o-pinio, rarius ratio. Prioribus omnino adscribendos esse eos, de quibus in præsenti sermo est, errores, libere pronuntiamus; temeritatis vero eo minus hac in re, nos accusaturum fore credimus quemquam, quo magis in lequentibus hæc probare annitemur. Quum vero diversissimi sint caloris & frigoris effectus, quos jam erimus confideraturi, nos eosdem etiam seorsum pertracta-re oportet; primum igitur de fervidis, tum de gelidis, dicemus.

### CAP. I.

§. I.  $F^{ervida}$  vero cum dicimus ingesta, ea quidem proprie non loquimur, que centesimum, secundum Thermometrum Svecanum, caloris gradum continent, & ad quem aquam ebullire cernimus; fed ea, quæ ad quadragesimum ejusdem Scalæ gradum accedunt; sicque trigesimum septimum magis minusve superant, qui vegeti & adulti hominis a), seu lactis nutricis, summus est. Calida hæc etiam vulgo folent appellari. Communem eam fuisse Medicinæ cum ceteris, huic

agnatis, scientiis sortem dolemus, cujus nec dum probe immunis est, hypothesibus libere admissis, commentisque deturpari; atque his, pro cujusque ad fictiones pro-Aa no

a) Calorem hominis paulisper variare posse affestus, aliasque accidentales caussas, ex physicis notum est experimentis; naturalissimum eum tantummodo judicamus qui inter 35 & 37, secundum Thermomet, Svec. versatur gradam.

no ingenio innixa fuisse varia, caque sibi se ipsis tam contraria theoriarum Systemata, ut dudum PLINIO moverint, guerelam ne, an admirationem, non dicemus; nempe "mirum, inquit, nullam artium (medicina) in-"constantiorem fuisse, & etiamnum sepius mutari, cum "sit fructuosior nulla b).

Figmentis autem quantum indulferint veteres, atque hypothefibus, vel corum de calore ventriculi, ceterorumque ad chyli officinam pertinentium viscerum, doctrina testatur. Cibos in corpore folvi dum intellexerunt, & calentia fimul viderunt machatorum animalium intestina, temere pronuntiarunt: ut in olla, cui suppositus ignis, sic in ventriculo, cibos lente macerari, quin & coqui; hepar vero, foci ad inftar, materiem igni analogam subministrare judicarunt. Qui quidem error, meliora licet dudum simus edocti, per plura tamen secula ad vulgus, etiam nostri ævi, pertransiit; atque illi debetur familiare, quod nostratibus est, de ingestis non mutatis excuntibus, dictum, quod cocta non fint; quod quidem vitium defectui attribuunt catoris ven. triculi c). Quos intra limites erronea si mansisset theoria, faciles hanc illis quidem largiremur; sed quum alia huic superstructa fuerit, pejoris profecto ominis do-Arina; fervida nempe omnia, quantum perferre possit corpus, esse ingerenda, calori scilicet interno ut suppe-tias serant, sicque coctionem accelerent, nobis sane gratu'e-

#### b) PLIN. Nat. Hift. T. III. Lib. XXIX. C. I.

c) Sapientem etiam HIPPOCRATEM hancee fovisse fententiam, propria ejus testantur verba: "Secedit, inquit, ipsis cibus per alvum li-"quidus incoctus, - - patiuntur autem hoc ventres maxime qui "humidi ac frigidi funt, & propter frigiditatem quidem non conco-"quunt. HIPP. de Diat. L. III. Sect. XXIV. Ipsum tamen ut etiam CELSUM calidæ theoriæ licet fectatorem, calidioris regiminis fautores non fuisse, ex utriusque, quæ exstant, scriptis evidenter patet. tulemur faniorem hujus rei cognitionem, everfaque jamdiu noxia illa veterum commenta. Namque ciborum mutationem mediante peculiari quodam, & cuicunque animali proprio, abfolvi menítruo, jam certo novimus; calorem, pro levi digeítione neceflarium, fed leniorem, fubministrantibus, quæ circum ventriculum fita funt, visceribus; adjuvantibus infuper intimam ingestorum miscelam, tam illo, qui toti intestinali canali peculiaris est, quemque motum peristalticum dicunt, reptatu, quam & septi transversi musculorumque abdominis in ventriculum & intestina alterna pressione.

§. II.

Hominem caudatum, MAUPERTIO sic dictum d), si forte, in fidem peregrinantium, excipias; cujus vero nos adhuc & descriptio latet & historia; animantium nulla, præter hominem fapientem, cibum appetere igne præparatum optime notum eft. Et quidem ulteriori forte indagatione non indigna res foret, qui fiat, ut iisdem licet, saltem qua sensibus & experimentis chemicis perspici potest, cum animalibus ceteris, confectum sit elementis humanum genus omne, offibus ejusdem indolis, carneis fibris sanguineque gaudeat iisdem, illi tamen folum ignis usus fit ad vitam ita necessarius, ut aqua & igne alicui interdicere pro summa habuerint veteres pœna; ficuti nec hodiernorum cuipiam horum elementorum interdictionem feliciter ceffuram fore, persvali fumus. Conjecturæ interim fi locus daretur, naturæ forte adscribi, quod non nisi consuetudinis vel connatæ quafi opinionis est, facile quidem toret creditu. Et sane fidem conjecturæ facere videtur, quæ interiores Americæ amplas plagas barbara hodie occupat gens, eorum omnium,

d) Vid. Generof. PRES. System. Nat. Edit. X. p. 25. ad finem.

mnium, quæ ad culinam pertinent plane nescia, solis fructibus, quos sponte natura porrigit, nullo quidem cogente creatis utens, & vitam tamen gerens optimam. Quin immo, quos veteres multum celebrarunt, Gymnosophistarum India, eorumque, qui etiamnum hodie supra vulgus Indorum sapere dicuntur, Bracmannorum nempe, exemplis probari videtur, posse homines vitam commode suffinere sine cibis igne præparatis, atque longævos fieri; scilicet illis fuerunt, ut & his sunt nulla alia fercula, dapes nullæ, nisi quas aut humus offert, aut arbores porrigunt; fructus puta varios, calore folius benefici Solis præparatos. Hos autem, quotquot funt per horum patriam peregrinati, vitam, allerunt, longe supra centesimum annum plerumque agere, sanitateque interim gaudere incorruptissima; nisi quod cœcitate sæpius senes laborent, quam tum senectuti, sensuum fere omnium destructori, tum forte pinguium defectui & ardenti etiam patrio climati adscribendam este censemus. Neque prætermittendum, quanti reputent etiam nostrates fructuum olerumque varii generis æstivum usum, quamque delectantis refrigerationis cum sensu acetaria cruda adhibent, ut naturæ quasi corporive gratior vix offerri posse cibus videatur.

### §. III.

At vero nostratibus, per duas fere tertias anni partes, frigidiorem spirantibus auram, neque fructuum copia abundantibus, necesse fuit ex aliis rebus victum quærere, carnibus nempe animalium variorum; quas profecto ut crudas ederent autores este ullis nollemus, quoniam varia illas egere, si a ventriculo subigentur, præparatione, optime novimus. Raro sufficientem existimamus eam, quam adhibere moris est, dum pisces infolant, carnesque variæ indolis suffumigant, quæ, palato

lato licet sic sapidissime reddantur, ventriculo vix, nisi validiori, conveniunt. Laudes e contrario suas meretur sane corum industria, qui artem coquinariam introduxerunt, in abusum licet sepissime vertatur. Sicuti enim artifici vitio dare incongruum foret, si quis iis, quæ sua ille arte produxit, abuteretur; sic illius, quem hic impugnare animus est, mali moris eos proseêto non acculamus, qui ignis calore cibum præparant, sed qui ferventem adhuc illum calentemve ingerere assolent.

#### §. IV.

Scilicet ferculis mensæ exstruuntur, tum sorbilibus, tum quæ dentibus sunt comminuenda, omnibus fervidis, omnibus, quantum absque graviore faucium læsione fieri potest, fumantibus ingurgitandis; qui quidem tam alte in animis, nobiliorum non tantum, sed etiam plebeïorum, insedit pessimus mos, ut ab omnibus fere hoc tempore cibus quicunque coctus respuatur, si vel parum deferbuerit; & prandio qui hospites exciperet non calido, elegantiorum morum homo vix reputetur. At quantopere illum natura aversetur, si modo hanc intueri rerum optimam magistram nos non tæderet, neque in illis contemplari dispuderet animalibus, in quibus incorrupta, ut fane in omnibus, præter hominem, manet, nemo non poterit agnoscere. Quis felem vel maxime esurientem, aut animalium ceterorum quodvis aliud, calida sponte ingerere unquam vidit? Quis etiam, vel minis, vel alio quo demunicunque modo, illum, ut exemplo utamur maxime familiari, adigere potuit unquam ad fumantem lambendum escam? Quin potius pluries explorantem vidit atque prægustantem, totiesque cum horrore decedentem, ut demum in proverbium abierit. At secus homines, utriusque cum sortis, tum fexus, agere quotidiana testatur experientia, naturæ id attriattribuentes, quod contra eam est, & perverse opinioni esse tribuendum, declarare nos non hæssitamus. Quod quidem, ut propius rei accedamus, ab esse tibus probare studebimus, tum illis, quos extra nos, tum, quos in nos edunt calida liquida, de quibus heic præsertim sermo est.

Notissimum est, coria rigida denuo sexilia reddi aqua in primis calida; vires, quibus sapidæ pollent plantæ, eadem extrahi; cornuum denique compagem penitus folvi; & hæc omnia quam citiflime fieri; ex quibus documentis summa aquæ calidæ corpora emolliendi, solvendi, penitus denique destruendi, vis dubia esfe non poteft. Quid? quod exempla ex Chirurgicis petita eandem probant; calidis nempe epithematibus, iisque humidis, cataplasmata vocant, perdiu fota membra, flaccida fiunt, ut robur quasi omne, & ad motum aptitudinem amisisse videantur. Et sane rugosis lotrices manibus eidem vi subscribere non hæsitarent. Ruricolarum insuper ut adducamus experientiam, residuo ex cerevisiarum decoctionibus calido saginatos sues, delumbes fieri atque elumbes. Graviores autem ii funt, quos apud omnes, qui liquidis calidioribus abutuntur, cernimus effectus: macies nempe, exhausta vires, teneritas, langvor, pallor, tremor, morbos postea dicendos ut jam mittamus. Nec mirum: labefacta enim, ex qua corporis dependet integritas, chyli officina, &, qui princeps hujus eft, ventriculi robore sublato, chylus, &, qui ex illo fit, sanguis, nutritionis & secretionum omnium fons, depravantur, & malorum omnium scaturigines evadunt. Quibus igitur ne sero nimis medicina pararetur, Britannica gens; qua, ut de CARDANO olim dictum fuit e), fapientior nulla, ubi fapit, dementior nulla, ubi errat; juscula fere omnia e mensis suis exu-

e) BOERH. in Meth. Stud. Med. Part. XI. de Diætet.

exulare juffit, & vegeto fruitur corpore; dum contra, cujus ex nostris clarissimus olim vir f) meminit, Germanorum quidam medicus, scriptis & exemplo calidorum utilitatem commendationi nimis studens, propriæ victima fuit theoriæ, & exhaustus succubait, annum vix supra trigesimum agens. Quanta demum calidis ingeftis liquoribus insit vis robore & vigore corpus cito orbandi, simplex etiam, idque sat samiliare experimentum persvadebit. Scilicet, non est insolens per hyemem iter facturis, corpus poculis aliquot vini vel cerevisiæ contra frigus munire; quæ si frigida hauriuntur bonum præstabunt, frigus arcendo, estectum; at contra, satarum hic est fibrarum estectus, corroboratarum ille.

Ex diffis constare opinamur, quid de potibus is, calide sorbendis, tenendum, quibus diffluunt nostrates g), & qui ita illis familiares jam diu sunt, ut turpis egestatis quasi signum sit illis non uti quotidie; Theæ loquor infusum, atque Coffeæ decoftum, quibus addi posset, si placet, pulmentum istud, ceteris longe præ-B 2 stans,

f) RUDBECK. Jun. in Coll. quodam Mfcr.

g) Veteres etiam calidis potionibus indulsisse, patet tum ex poëtis; ita enim Juvenalis:

Quando vocatus adest calidi gelidique minister. Et MARTIALIS:

> Calidam poscis aquam, sed nondum frigida venit, Alget adhuc nudo clausa culina foco.

Tum ex aliis; ex quibus, teste NONNIO, in Diat. IV. C. 17., constat, publica illis suisse thermopolia, sen cauponas, in quibus calida aqua veniret; nec, quod ibi vendita sit, quemadmodum hodie apud nos Thea, quæ de CAJO CALIGULA refert DIO CASSIUS, dubium esse permittunt; scilicet, interfecisse eum cauponem quendam, quod per dies funeris DRUSHLÆ, Sororis, calidam aquam vendidisset. CLAUDIUM etiam CÆSA-REM caupones subvertisse Romæ, quæ carnes coctas & aquam calidam vendebant, relatum legimus. stans, Chocolada dictam. Quorum quidem usum, quotquot fere sunt, diætetices scriptores jam diu noxium pronuntiarunt, atque modum, quo nocent, varii varie explicare conati sunt; pauci, quem principem nos judicamus, caloris meminerunt.

Namque calorem horum potuum tanti faciunt forbillantes, ut non solum ipsis stomachum quasi moveant, tepidi si-fuerint, sed & risum, qui frigidos præferunt. At rifus cito luent poenas miferæ; nam feminas ut plurimum elle observes; attenuatis nempe fibris earum, humoribusque corruptis, male digerit ventriculus, vix tenerrima subigere valens; hysterici affectus infestant colicique dolores, rusticulis fere ignoti; alvus officii immemor fit; leucorrhœa provenit; sanguineæ, sexui ist propriæ, aut abundant evacuationes, aut diminuuntur, vel & penitus deficiunt; brevi, tota machina turbatur, langvet; &, quod his pejus est, soboles deficit, aut faltem matrum errores infantum pœnis luuntur. Sed nec impunitus manet potior, sibi dictus, sexus, si illecebris istis femineis se capi patitur; quin certe hæmorrhoidibus & hypochondriasi laboret, vel tremens brevi evadat, perinde ac si Bacchi per plures annos secutus esset castra; documento, nervis etiam obesse calidos potus; ad quos igitur commode transferri posse videtur istud Poëtæ:

Hoc est quod palles: cur quis non prandeat, boc est. PERS. Sat. III. 85.

## 9 . V.

At non intra folam liquidorum classem hæret noxius calidorum usus. Nam præter juscula jam memorata, tria potissimum sunt ad mensam etiam referenda, solidioris paullo consistentiæ, quæ ventriculo graviter obsunt, dum calida ingeruntur; nempe:

I:mo

1:mo Panis ex furno calens, apud multos in deliciis habitus; qui, quantum ventriculum debilitat, dici vix potest. Experimentum adferam repetitu facile quod veritatem rei confirmabit. Scilicet, quod coctioniprotractiori diu refistit, durissimum cornu, copta calente. involutum, ad ceræ quafi mollitiem intra brevislimum tempus redigi posse, videmus; unde qualis sit ejusmodi panis in corpore effectus, dubium esle nequit. Multo autem magis nocivus idem fit butyro, ut a pluribus expetitur, imbutus, bak-gås noftris dictus; fic enim præparatus ventriculum non tantum mirum in modum debilitat, sed etiam ipse solutu difficilior evadit b); hinc appetitus defectus & ponderis ille sensus; hinc flatulentia & colici sæpe dolores, quos conqueruntur omnes, quibus tali cibo vesci volupe est i); accedit, quod mollescant inde gingivæ & dentes nigrescant. ... Neque multum ab illo differunt placentarum plurimæ species; tum quod butyro quasi diffluant, tum quod calidas illas gula semper desideret. Sedulo igitur hæc caveat, quicunque enumerata cupit evitare mala.

※)13(※

2:do Oryze coëte, calide; quam fpeciem pultis exempli loco inprimis elegimus, licet nec ceteras, dum calidæ ingeruntur, uti plebeji affolent, impune ufurpati poffe, ulli concedamus. Quid vero, præ aliis, oryzæ infit nervis inimici, me latet; inefle tamen perfvadent obfervationes, & quidem præfertim eorum, quibus hoc frumentorum genus pro primario cibo eft, Indiæ nem-B 2

b) HIPPOCRATI etiam calidi panis noxios effectus cognitos fuisse non obscurum est; repentinam enim repletionem inferre, & tarde illum transire asserit; licet hæc siccandi ejus vi attribuat. vid. HIPP. de victu acutorum, XVIII.

i) Plura hac de re legantur in Dist. sub Gener. D:no PRÆS. babita 1754, da Pane Diætet. p. 18; ubi præsertim attentionem merentur ea, quæ de incolis urbis cujusdam Batavæ, ibidem retulit Auctor. pe orientalis incolarum. Longa etenim hi experientia edocti fuerunt, oryzam calidam frequentius usurpatam, non ventriculo tantum maxime obelle, sed etiam tremores artuum inferre & inprimis coecitatem; contra, fe his malis immunes esse, tepidam frigidamve adhibentes; quamobrem gulæ oblectamento, quam fanitatis integritati, minus studentes, calidam vitant, refrigeratam tantum hodie admittunt oryzam.

-une Quoniam igitur oryzæ coftæ usus apud nostratum plurimos perquam familiaris eft, svafores illis effe vellemus, præsertim si vel levissimum visus vitium jam adfit, ut calida ea non vescantur.

3: tio Botuli & farcimina; scilicet non tantum non infvetum, fed & in deliciis eft, in primis inferioris fortis hominibus, hos ex olla nuper extractos, fumantes, & manum tenentem fere urentes faucibus intrudere; in quem, jam ante viginti lecula, SENECA etiam investus est morem, "quemadmodum, inquiens, nihil illis fa-"tis frigidum, sic nihil satis calidum; sed ardentes bo-"letos, & raptim condimento suo mersatos demittunt "pœne fumantes. Quantam autem cibus iste secum ferat noxam, ex prioribus palam esle opinamur, & heic repetere superfluum judicamus; quibus tamen Americanorum insuper addere juvabit testimonia; qui, postquam, solutis allectati Europæorum moribus, calidis delectari cœperunt, ventriculum non modo debilem, & duriorem ut antea cibum solvendo imparem, sed dentes etiam queruntur fragiliores factos, officioque fungendo vix pares elle.

Sed, transmarinis non opus est exemplis, dum propiora ad manus sunt; & quidem nobiliorum testor, tum feminarum, tum viroruni, sœtida ora & nigro tinctos dentes, calidis unice potibus adscribendos; nam apud rusticos non conspiciuntur, frigida adhuc utentes, & and in this contractory Intern Anders could Andler.

pura,

pura aqua. Vercor profecto, ne, una cum calidorum ufu, dentium (purcities & rubigo olim communis & grata evadat; & ne, ut Indis, puras, canum inftar, gerere dentes, turpe aliquando noftratibus habeatur. Id faltem verum est, quos tantis laudibus in carminibus fuis amatoriis quondam extulerunt proci, niveos amicarum dentes rarius jam conspici, nec posse conspici, quamdiu calidorum, ut hodie fit, potuum abusus perstiterit.

Ex dictis conftare opinamur, calidorum ingeftorum quotidianum & protractum ulum corpori noftro adverfum efle & noxium; & quidem folidas omnes partes robore & elatere orbando, omnibus inde oriundis malis fontem fieri primarium; appetitum puta proftratum; nam e fuperioribus pauca repetere non tædet; in colicos dolores propenfionem; humorum degenerationem; circulum eorum turbatum; faciem decolorem; excretionum debitarum vitia; hyftericos, & quibus hypochondriaci vexantur, affectus; nervorum irritabilitatem nimiam; tremorem; animum demiffum; muci copiam; laffitudinem; frigidi aëris humidique impatientiam fummam; dentium vacillationem, fragilitatem & fpurcitiem; verbo, totam machinam infirmare, turbare, evertere.

Calidorum ita in apricum prolatis periculis, ne quis judicet, nihil eorum, quæ ignis aliquam particulam continent, conducere & admitti debere; neceflarium duximus leviter calidorum, feu tepidorum ufum opportunum etiam oftendere; idque eo magis, quo certius eft, fæpius illa negligi, ubi locus illis tamen effet optimus. Optima igitur judicamus moderate calida in illis corporis vitiis, in quibus vel nimia folidarum partium rigiditas & tenfio, yel cutis ficcitas, yel fpiffi humores cujus-

#### 6. VI.

cujuscunque generis, iique tenaces, humeAandi, relaxandi & diluendi necessitatem indicant; vel in quibus fordida eluere, aut indurata solvere oportet; atque adeo in febribus facile omnibus k); fiti; menstruorum negotio difficili; & alvo tarda; & colicis doloribus; & quæ sunt reliqua ejusdem originis mala. Hinc appofite AVICENNA: "Cum fuerit calidior aqua, & in jeju-"nio bibita, multoties stomachum lavabit, & ventrem "folvet; eam tamen frequenter bibere est male, quia "stomachi solvit virtutem; quæ vero multum est cale-"fasta, quandoque colicam resolvit, & ventositates sol-"vit l); & iterum m): particulatim vero mucum du-"cit & screatum adjuvat & dolorem omnem mitigat, "præsertim in præcordiis & intestinis; rustum movet & "flatum provocat, urinam & fecellum ducit. Bona etjam est ad concoctionem & digestionem & nutritio-"nem & augmentum; menses ducit; convulsionibus i-"donea est; uti etiam pleuritidi & perinevmoniæ. Cavendum tamen, ne per calidorum diutius continuatum usum, dum uni malo medemur, aliis, iisque non levioribus portam pandamus.

# CAP. II.

6. I.

A d alterum argumenti nostri momentum, quod in gelidorum consideratione positum est, jam progredientes nos, primum omnino significare oportet, non corum tantum, que proprie gelida dicuntur, seu, que ad

k) Febrienti cibum ne offeras, neque forbitionibus fubtus alvum ducas. In potu dabis aquam calidam &c. monente HIPPOCR. de locis in homine XXXIX.

1) Vid. Avic. Oper. Tom. I. Lib. I. Fen. 13. Doctr. 2, C. 8. m) Idem paulo infra. ad punctum congelationis aquæ mercurium vel liquorem descendere faciunt, mentionem nos heic facere; sed eorum etiam, quæ his decrescentis caloris gradu propiora sunt, & frigida simpliciter audiunt; quoniam hæc quoque plurimos intempestive admittere non raro sumus comperti. At quum non omnia omnibus sint æque frigida, neque omnia illa quocunque tempore noceant aut conducant, sed pro consuetudine & conditione utentis; oportet omnino usum frigidorum commendaturos & vituperaturos abusum, cum latius illa intelligere, tum ad graduum simul diversitatem, licet non fcrupulosius, attendere.

§. II.

torean roam

Vitio quidem noftratibus dare nolumus, omnem in peregrinos adoptandos mores propenfionem, quum inter hos fortafle fint, qui magno cum patriæ commodo adfeifei poffint; fed reticere nec poflumus, nec debemus, quot fibi gens noftra arceflivit mala, ex quo aliarum gentium, præfertim illarum, quæ calidiorem noftra hauriunt auram, in veftitu & victu confuetudinem nimium imitari cæpit. Qui circa veftitum, patrio climati vix convenientem, committuntur, errores jam mittimus, illos tantummodo indicaturi, quos circa victum, fæpius nobis contigit obfervare. Quum vero plures etiam illi fint, quam qui arctis limitibus circumferibi poffint, eos potiffimum confiderabimus, qui præfentis propofiti funt, inter quos eminet, glaciei artificialis abufus.

Scilicet ex Hispanis & Italis ad nos translatus est perniciocissimus mos, glaciem arte factam, des glaces, des boissons glacées, ex Gallorum lingua, nostratibus dictam, in mensas secundas, per æstivum præsertim tempus, adhibere, ut, a calidis tum potibus tum condimen-C tis, ※ ) 18 ( 梁

tis, fractæ ventriculi vires frigore isto iterum excitentur a). Sed spe sua pessime decipiuntur, qui, una cum ejusmodi frigore, robur etiam dicti visceris obtineri judicant. Et sane graves gelu effectus in externas corporis partes quicunque perpessus fit; qui congelata membra, aut perniones, viderit, vel faltem audierit; quive pessimas a solo frigidi aëris afflatu oriri colicas non ignoraverit; facile, opinamur, intelliget, non leviora, quin contra graviora multo damna intus affumtam glaciem allaturam fore partibus longe tenuioris textura, & ad frigus sustinendum minime factis b). Profecto non possunt non tenues & nudi vasorum ramuli, viscera perreptantes omnia, ab ingesta glacie constringi, quin forsan rumpi c), &, quos illi vebunt, humores cogi: nam illæ frigoris vires funt; nocentiores femper, quo fubito magis calidas partes attigerint; ut taceam, ipfas inde marcescere ventriculi fibras, quemadmodum ab externo frigore torpidi fiunt artus. Non est igitur, quod quis miretur, variis in locis inflammationes, polt gelidam istam escam, fieri internas, pertinaces; &, qui has concomitantur, dolores, sape atrocisimos, oriri; & abscessius varii omnino exitus; & choleram, & lethalem inteftinorum levitatem; &, quæ cetera funt, plura. Abundant, quæ ab ipsis illis regionibus, ubi quotidie Lingh testins nobis

a) Neque veteribus ignota fuisse multa eorum, quibus recentiores jam delectantur, docet SENECA: "Videbis, inquit, quosdam graciles, palliolo focalique circumdatos, pallentes & ægios, non sorbere solum nivem, sed etiam esse; & frusta ejas in scyphos suos dejicere, "ne inter ipsam bibendi moram tepescant. vid. Ejusd. Quest. Natur. IV. Cap. ult.

b) - - "ipfe thorax & ventriculus ipfs a frigida superatus, "moleste fert, & mortem minatur, quia maxime desvetus est. Hippoc. de bumid. usu, VI.

c) "Frigidum valde venas rumpit, & tullim movet, velut nix, "glacies; & constringit - - - HIFF. Popul, L. VI. Sect. III. usurpatur sepius nominata glacies, ad nos adveniunt scripta, testimoniis, de ingenti, quam ibidem locorum quotannis illa adfert, clade; multum licet alias consvetudo valeat ad corpora hominum assessanda. Ex quibus omnibus quanta illi insit nocendi vis, & ab illa sibi cavere quantum referat, luculenter satis patere existimamus.

#### §. III.

Minus utique nostratibus familiaris est, cujus supra meminimus, glaciei us; utinam vulgatior nunquam fiat! At frequentiore profecto in usu funt alie res, in quibus etiam gelu reconditur. Sunt hæ frigore duratæ oftreæ; quas, nescio, quæ angustiæ primum induxerint homines, ut pro cibo adhiberent recentes; multos tamen novimus, quibus hodieque sunt in deliciis. Cetera, quæ inferre valent illæ, damna ne attingamus; eosdem, quos superiore (:o glaciei in viscera ipsa admissi esse diximus, noxios effectus congelatas ostreas in ventriculum ingestas sequi, observatum est sapius. Inter plurima quæ extant, duo tantummodo, quæ ad manus sunt, in fidem dictorum, eligimus exempla. Alterum, viri cujusdam, qui mercaturæ caussa ad nundinas Upfalienses olim advenerat; ostreas, quas vehementer desideraverat, occasione data, quindecim simul, licet gelidas, avide comedentis; ex quibus in colicam incidit, post triduum lethalem. Alterum, nobilis cujusdam feminæ, quæ triginta abhinc annis Upsalix degit, & ostreas appetens, jejuno ventriculo viginti quinque devoravit, omnes conglaciatas; quo factum est, ut cibi mox fastidio caperetur, &, post triduum vehementissimis horroribus, quos insecuta est febris quotidiana duplex, gravissimis stipata symptomatis; siti, cephalalgia, vomitu; singulis summe violen-tis, & quæ, febre licet post dies aliquot superata, tamen per C 2

per octiduum continuabant, antequam compescerentur. Quorum quidem omnium quin gelu inprimis accusari debeat, dubium non est, quod etiam novo probare possumus exemplo; nempe juvenis cujusdam, cui, ex novem comestis pomis gelidis, tussis violentissima supervenit, tantæ pertinaciæ, ut per semestre spatium duraret, &, ne in phthisin æger tandem incideret, omnes vererentur. At, quis noxium diceret pomis vesci?

#### §. IV.

Tandem confiderandus venit potus, qui, quum magnam diætæ nostræ partem impleat, optimi omnino generis este debet, sanitati si nihil nocebit; illum loquor, quem cum aqua conficiunt, ex qua hordeum corruptum peculiari præparatione coqvunt, & pro majore, quam continet, minoreve Spiritus, ut vocant Chemici, copia, Cerevisiæ tenuioris vel fortioris nomine insigniunt: gustus sane gratioris, quando rite præparatus & incorruptus est. Quoniam vero, æstivo præsertim & autumnali tempore, acorem cito fuscipit, unde non solum ingratus sed & noxius evadit; solent hodie opulentiores primo vere curare, ut cellæ, qua dimidiam partem repleantur glacie, in quam repositis postea cerevisiæ doliis, ab aciditate hæc optime confervatur; potatu svavis, & sub astivis caloribus summe refrigerans fit; & peculiari eapropter Sveco nomine, iskallare dricka, donata est. De quo quidem invento gratulentur ne fibi, an doleant homines, dubius hæreo. Tot enim tristia sepius intra patriam exstiterunt documenta summarum ex istis cerevisiis noxarum, ut velo eadem obtegere dolens jubeat animus. Verum quidem est, multa, alias non vitanda, damna averti poste, si, ut prudentiores solent, quantum cerevisiæ pro sequente die opus sit, tantum e cella pridie promatur, quo intensissimum miminuatur, quod contraxit, frigus a). Quoties vero acciderit; & fane non raro accidit; ut vel prorfus id neglectum fuerit, vel depromta quantitas ufui intento non fuffecerit, novaque ideo, recentiflime ex frigida cella hausta, propinanda fuerit, varia inde mala, colicos puta dolores atrociss, pectoris, hepatis, renum, aliarum denique partium, inflammationes; quin immo articulorum dolores, hydropes, & chronicos alios morbos, oriri, observatum est.

Hæc fcribenti mihi in animum incurrit, qui Fahlunæ urbis incolarum olim fuit, mos, dum hofpites comiter exciperent, cerevifiam, quæ omnem aliam, in patria ufitatam, femper antecellit, illis offerre; tumque pocula vel integra, vel qua dimidiam faltem partem, non alternato fpiritu, frigida ifta hauriendo, in bibendo vires invicem tentare. Quæ confvetudo male illis ceffit. Accidit enim, idque præfertim anno hujus feculi trigefimo quarto, ut hydrope optimorum civium plurimi quotannis e medio tollerentur. Quod cum frigidis tantummodo deberi & fuperfluis potationibus fuperfites comperiflent, mortuorum tandem perterriti exemplis, erroreque mature miflo, periculum evitarunt.

Commune demum est, inferioribus præsertim fortis hominibus, vitium, cum a febre calent, frigida ingerere stomacho; ex quibus sæpius febres ingravesce-C  $_3$  re

d) Meminisse oportet, aquam coctam fortius, non cocta, frigus contrahere. Ideoque Romanis in usum suit aquam decoquere, vitroque immission in vive refrigerare, teste PINIO in Nat. Hist. Tom. III. L. XXXI. C. III. Et Indianis frequentissimum est, calidam, quæ illis est, aquam lagenis committere, quas in palmis suspendunt, ubi tam valde refrigeratur, ut non nisi assvetus eam perferre possit. re vifæ lunt. Frequentissime autem, cum a labore vel motu fortiori exæstuant, imprudentiores aquam, etiam frigidissimam, avide hauriunt, unde non raro sævissimæ pulmonum, & ventriculi intestinorumque inflammationes, aliave mala, excitantur e). Perstat enim regula: motibus oppositis nihil periculosius in corpore humano. Angue igitur & cane magis caveat ab isto errore, quicunque propriæ fanitatis vel minimam curam habuerit.

#### §. V.

Paucis autem monere ordo jubet, non omnem frigidi potus ufum nocere, quin potius calidorum ufu in plurium morborum curatione latius multo patere. Temperate frigidam heic loquor aquam, fcilicet eam, quæ non multum calori hominis naturali inferior eft; licet adfveto tamen aliquantifper frigidior concedi poffit. Sicuti enim ALEXANDRO Regi non bene fucceffit, in frigida unda exæftuans refrigerare corpus; fic Fennoni, aut alii cuidam a teneris adfveto, e calido balneo in mare vel nives profilire fæpius non nocet. Neque nos illi, qui calidis diu indulferit potibus autores effe vellemus, ut mox frigidam cum calida mutaret diætam, licet Lappones Sveciæ aquam impune haurire noverim, quæ intra primum congelationis punctum & octavum caloris verfatur. Id dico, quod fi ulli cuidam rei polychrefti titulus conveniret, aquæ temperate frigidæ illum certe effe largiendum:

e) J. BAUHINO accidiffe relatum est, ut, per Apenninas alpes iter faciens, a potu aquæ frigidæ cystitidem contraxerit, ita ut pæne periret; sed meminisse juvabit auxilii, quod illi tulit Socius GABELKOFER, qui propinatis amico quatuor nucibus myristicis, vitam morituro promte servavit. nam profecto, quæ acidulis plerisque juste adscribitur nædicandi vis, non minima ipsarum frigiditati debetur. Quemadmodum enim frigida balnea externis corporis partibus robur addunt; sic frigide ingesta aqua langventem excitat ventriculum, viscera cetera; deperditum restitust cibi adpetitum; humorum circulum auget; vasa omnia justo laxiora moderate coarctat, excretiones promovet; quid? quod viscida omnia abluat, &, ne nova iterum generentur, impediat. Hinc frigidæ potatoribus lingvam semper puram esse cernimus, atque dentes sirmas, nitidas, fanitatis incorruptæ indices non fallaces f). Nec desunt intra vulgus morborum exempla, cum chronicorum, quos frigida tantum, nec medicata, aqua penitus-abstulit; tum quotannis redeuntium, quos frigida averruncavit. Ut taceam, plurimis, quibus Macrobiorum ætatem attingere contigit, præter aquam vivam frigidam, pro potu nihil fuise g).

Sequitur igitur cum calidis tum frigidis, sua esse damna, sua commoda; quorum illa qui vitare, hæc adsequi, cupiverit, veterem teneat canonem:

#### Moderata durant.

f) Dentium puritatem & nitorem tanti æftimant in judicando de integritate fanitatis mancipiorum, quæ pro colendis Coloniis in America conflitutis, fibi ex Africa comparant Auftrales populi, ut quibus istæ deficient notæ, nullo ad cetera fanitatis figna habito respectu, ad laborem minus idonea habeantur subjecta.

g) Nimius essen, si vel nomina solum recenserem eorum, de quibus certo constat, per frigidæ quotidianum pro potu usum, provectiorem illos fibi comparaviste ætatem. Virum macrobiumCliviensem tantum adferam, quem Principis ex jussu, MENZELIUM Boruss. Regis Archiatrum interrogasse legimus, quali diætæ generi summam, quam contraxerat, senectutem deberet. Cui ille salientem manu monstrans sontem: Hanc, inquit, quam vides, crystallinam a teneris quolibet mane jejunus baussi undam.

#### SOLI DEO GLORIA.

